



**Služba za ekonomski razvoj, poduzetništvo i poljoprivredu**

Broj: 04-11-A-12107/2021

Tuzla, 20.08.2021. godine

**PREDMET: Program raspodjele sredstava za podršku projekata organizacija iz oblasti poljoprivredne proizvodnje, za 2021. godinu;**

U Budžetu Grada Tuzla za 2021. godinu, na poziciji „Grant organizacijama iz oblasti poljoprivredne proizvodnje“, planirana su sredstva u iznosu od 23.000,00 KM.

Članom 21. Odluke o izvršavanju Budžeta Grada Tuzla za 2021. godinu („Službeni glasnik Grada Tuzla“, broj: 3/21) utvrđeno je da se sredstva na navedenoj poziciji raspoređuju na osnovu programa raspodjele sredstava, donesenih od Pomoćnik gradonačelnika za Službu za ekonomski razvoj, poduzetništvo i poljoprivredu, u skladu sa kriterijima, u ovom slučaju, utvrđenim važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19, 7/20 i 5/21), (u daljem tekstu: Odluka).

Odlukom su određeni uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, tako su u Budžetu Grada Tuzle za 2021. godinu namjenski planirana i pozicionirana sredstva Grant organizacijama iz oblasti poljoprivredne proizvodnje.

Na osnovu člana 4. ove Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije - Grant organizacijama iz oblasti poljoprivredne proizvodnje – ekonomski kod 614311/17, za 2021. godinu, broj: 04/11-A13967-2021, od 14.06.2021. godine, kojim su, između ostalog, određena sektorska područja, odnosno prioritete podoblasti, prihvatljive aktivnosti i fokus projekata neprofitnih organizacija koji se kandiduju putem javnog poziva, ciljne grupe prema kojim su usmjerene projektne aktivnosti, minimalni i maksimalni iznos pojedinačne podrške krajnjih korisnika u oblasti poljoprivrede i druga pitanja u vezi sa načinom utroška navedenih namjenskih sredstava.

Prema gornjem Programu, opći ciljevi kandidovanih projekata su utvrđeni u sljedećem pravcu: jačanje partnerstva između neprofitnih organizacija i Grada Tuzle, odnosno izgradnja svijesti o koristi međusobne saradnje i podsticanja održivog dijaloga, u funkciji unapređenja i razvoja sektora poljoprivrede, koji je definisano kao bitan segment ukupnog lokalnog ekonomskog razvoja Grada Tuzle, a putem korisnika prema kojima će se usmjeriti kandidovani projekti.

Putem javnog poziva, koji je bio otvoren od 28.06.2021 do 19.07.2021. godine, i objavljen na službenoj internet stranici Grada Tuzle, a obavještenje o objavljenom javnom pozivu je preuzeto od lokalnih elektronskih medija, iz sredstava sa pozicije Grant organizacijama iz oblasti poljoprivredne proizvodnje, zaprimljeno je sedam projekata, koji su u propisanom postupku, komisijski pregledani i spram propisanih kriterija i podkriterija adekvatno ocijenjeni od strane komisije imenovane rješenjem Pomoćnika gradonačelnika za Službu za ekonomski razvoj, poduzetništvo i poljoprivredu.

Radi se o projektima koje su kandidovali: Udruženje proizvođača povrća u zaštićenom prostoru „OAZA“ Tuzla, za projekat „Nabavka gnojiva zaštitnih sredstava i opreme za navodnjavanje“, Udruženje građana „FARM“ Tuzla, za projekat „Naše je pravo hraniti se zdravo“, Pčelarsko društvo „Nektar“ Tuzla, za projekat „Projekat edukacije pčelara na primjeru proizvodnje matica, meda i pčelinjih proizvoda“, Udruženje građana „VIS“ Požarnica, za projekat „Sjenaža djeteline“, Udruženje građana pčelara „Tuzla“ Tuzla, za projekat „Škola pčelarstva i api-terapije“, Udruženje proizvođača i otkupljivača „EKOPRO“ Dragunja, za projekat „Proizvodnja zdrave hrane“ i Udruženje poljoprivrednika BiH – Udruženje poljoprivrednika TK, za projekat

„Tradicionalni BH proizvodi i usluge u funkciji ruralnog razvoja,, .

Nakon što su adekvatno vrednovani, svih sedam projekata uvršteno je u **Program raspodjele sredstava za podršku projekata organizacija iz oblasti poljoprivredne proizvodnje**, za 2021. godinu (u daljem tekstu: Program), koji je prikazan u sljedećem tabelarnom pregledu.

**Program raspodjele sredstava za podršku projekata organizacija iz oblasti poljoprivredne proizvodnje za 2021. godinu**

<b>RB</b>	<b>Nosilac realizacije projekta</b>	<b>Naziv projekta</b>	<b>Iznos finansijskih sredstava (KM)</b>
1	Udruženje proizvođača povrća u zaštićenom prostoru „OAZA“ Tuzla	Nabavka gnojiva, zaštitnih sredstava i opreme za navodnjavanje	3.000,00
2	Pčelarsko društvo „Nektar“ Tuzla	Edukacija pčelara na primjeru proizvodnje matica, meda i pčelinjih proizvoda	3.000,00
3	Udruženje građana „FARM“ Tuzla	Naše je pravo hraniti se zdravo	3.000,00
4	Udruženje proizvođača i otkupljivača „EKOPRO“ Dragunja	Proizvodnja zdrave hrane	3.000,00
5	Udruženje građana pčelara „Tuzla“ Tuzla	Škola pčelarstva i api-terapije	3.000,00
6	Udruženje građana Požarnica - Vis "VIS	Sjenaža djeteline	3.000,00
7	Udruženje poljoprivrednika BiH – Udruženje poljoprivrednika TK	Tradicionalni BH proizvodi i usluge u funkciji ruralnog razvoja	3.000,00
	<b>UKUPNO</b>		<b>21.000,00</b>

Ovim Programom, za predviđene oblike podrške iz prihvaćenih projekata, u okviru raspoloživih sredstava u iznosu od **23.000,00 KM**, raspoređena su sredstva u iznosu od **21.000,00 KM**.

Implementacijom prihvaćenih projekata iz programa raspodjele obezbijedit će se postizanje ciljeva u okviru prioritetne oblasti - poljoprivreda, i to: očuvanje dostignutog nivoa i obima poljoprivredne proizvodnje u do sada podržavanim vrstama proizvodnje, razvoj i očuvanje seoskih područja, pružanje podrške poljoprivrednim proizvođačima u edukaciji, zastupanju interesa poljoprivrednih proizvođača, podizanje nivoa svijesti i animiranje za bavljenje poljoprivrednom proizvodnjom, unapređenje plasmana poljoprivrednih proizvoda i promocija domaće poljoprivredne proizvodnje i mogućnosti ruralnog razvoja

Prema Odluci o izvršavanju Budžeta Grada Tuzla za 2021. godinu, sredstva raspoređena ovim Programom, mogu se realizovati nakon što Program, usvoji Pomoćnik gradonačelnika za Službu za ekonomski razvoj, poduzetništvo i poljoprivredu.

Krajnji rok za realizaciju Programa, odnosno implementaciju planiranih aktivnosti iz prihvaćenih projekata, je 31.12.2021. godine.

Sredstva ovog Programa će biti doznačena odabranim implementatorima, odnosno nosiocima realizacije projekata, u jednokratnom iznosu, nakon obostranog potpisivanja ugovora o regulisanju međusobnih odnosa u vezi realizacije sredstava raspoređenih Programom, uz obavezu da Službi za ekonomski razvoj, poduzetništvo i poljoprivredu Grada Tuzla dostave narativni i finansijski izvještaj sa pratećom dokumentacijom kojom se dokazuje namjenski utrošak doznačenih sredstava.

Nakon realizacije Programa ova Služba će pripremiti i prezentirati Gradonačelniku i Gradskom vijeću Tuzla, informaciju o realizaciji i korištenju programskih sredstava.

**Pomoćnik gradonačelnika  
za Službu za ekonomski razvoj, poduzetništvo i poljoprivredu**

**Dr. sc. Zijad Lugavić, dipl. oec.**